

**BOSNA I HERCEGOVINA
FEDERACIJA BIH
ZENIČKO-DOBOJSKI KANTON
SKUPŠTINA
Stručna služba**

Dana, 07.03.2016. godine

OBAVIJEST SA 12. SJEDNICE KOMISIJE ZA MLADE

Komisija za mlade Skupštine Zeničko-dobojskog kantona, na svojoj **12. sjednici** održanoj dana **29.02.2016.** godine, razmatrala je sljedeći:

DNEVNI RED

- 1. Donošenje Programa rada Komisije za mlade za 2016. godinu,**
- 2. Informacija o realizaciji Odluke o kreditiranju stambenih potreba mladih**

Pod prvom tačkom dnevnog reda Komisija je zauzela stav da Program rada Komisije za mlade za 2016. godinu treba da sadrži nerealizovanje aktivnosti iz Programa rada Komisije za mlade za 2015. godinu, te je razmatrala i neke nove prijedloge koje su na sjednici predložili članovi Komisije, kako slijedi:

- *Organizovanje zajedničkog sastanka sa ministrom Ministarstva za obrazovanje, nauku, kulturu i sport u vezi akata koji se trebaju dostaviti u skupštinsku proceduru u 2016. godini, a tiču se pitanja mladih,*
- *Organizovanje javne tribine na temu kako spriječiti odlazak mladih obrazovanih kadrova iz Zeničko-dobojskog kantona,*
- *Razmatranje Informacije o obilježavanju „Dječje nedjelje“.*

Nakon razmatranja navedenih i drugih iznesenih prijedloga, Komisija za mlade je donijela Program rada Komisije za mlade za 2016. godinu, koji će biti sačinjen kao poseban akt, koji će se zatim dostaviti svim članovima navedene skupštinske Komisije.

Povodom razmatranja prijedloga za izradu Programa Komisije za mlade za 2016. godinu, Komisija je donijela sljedeći:

ZAKLJUČAK

Komisija za mlade traži od Ministarstva za rad, socijalnu politiku i izbjeglice dostavljanje Informacije o obilježavanju „Dječje nedjelje“ u Zeničko-dobojskom kantonu za 2015. godinu, po javnom pozivu za finansiranje i sufinansiranje projekata povodom ove manifestacije.

Pod drugom tačkom dnevnog reda, nakon što je predsjedavajući Komisije za mlade, koji je i član Komisije za dodjelu kredita za rješavanje stambenih potreba mladih, imenovane Rješenjem Vlada Kantona donesenom na 25. sjednici održanoj 31.08.2015. godine, informisao Komisiju o realizaciji ove Odluke, članovi Komisije su ovu Informaciju primili na znanje.

**STRUČNA SLUŽBA SKUPŠTINE
ZENIČKO-DOBOJSKOG KANTONA**